

NË EMËR TË POPOULLIT

GJYKATA THEMELORE NË GJILAN – Departamenti i Përgjithshëm Divizioni Penal, përmes gjyqtares së vetme gjykuese Snezhana Mihajloviq, me sekretaren juridike Suzana Kovaçeviq, në lëndën penale kundër të pandehurit Z.I. nga fsh. ..., kom. ..., me mbrojtësin B.D., av. nga ..., për shkak të veprës penale rrezikimi i trafikut publik nga neni 378. paragr.8 lidhur me paragr.6 dhe 1 KPRK, sipas aktakuzës së Prokurorisë Themelore në Gjilan, PP.II.nr.250/2018 të datës 23.02.2018, të cilën e përfaqëson prokurorja e shtetit Kujtesa Fazliu, pas mbajtjes së seancës fillestare orale e publike lidhur me marrëveshjen për pranimin e fajësisë të lidhur në prokurori më dt.23.02.2018, më dt.29.05.2018 në prezencë të palëve publikisht shpalli

A K T G J Y K I M

I pandehuri **Z.I.** nga babai A. dhe nëna B. – G., i lindur më dt. ... në fsh. ..., kom. ..., tani me vendbanim të në fsh. ..., kom. ..., i martuar, baba i katër fëmijëve, i arsimuar, ka të kryer shkollën e mesme, pensionist, i gjendjes së mesme ekonomike, deri më tani i pagjykuar, nuk zhvillohet procedurë për vepër tjetër penale, shqiptar, shtetas i Republikës së Kosovës

Ë S H T Ë F A J T O R

sepse më dt.07.02.2018rreth orës 11:10 minuta në rrugën Prishtinë-Gjilan, me të arritur afër lagjes së “ ... ” duke e drejtuar automjetin e udhëtarëve të markës “ ... ” ngjyrë e kaltër dhe tab. të regjistrimit ..., ka shkelur paragr.1 nga neni 53 Ligji Nr.05/L-088 mbi Rregullat e Trafikut Rrugor dhe me këtë ka rrezikuar jetën e njerëzve dhe pasurinë e tyre, në atë mënyrë që gjatë vozitjes nuk i është përmbajtur dispozitave të lartpërmendura të Ligjit në fjalë të cilat kanë të bëjnë me obligimin e shoferit, ku parashihet se “shoferi duhet ta përshtatë shpejtësinë e lëvizjes kushteve dhe fushëpamjes së rrugës, gjendjes dhe llojit të rrugës, kushteve teknike, kushteve atmosferike, ngarkesës së mjetit, dendësisë së trafikut, gjendjes psikofizike të tij dhe aftësive personale të tij, ashtu që të jetë në gjendje ta ndalë mjetin para çdo pengese që mund të paraqitet në kushte të dhëna - brenda kufijve të fushëpamjes, përkatësisht, të mund të veprojnë me kohë” duke menduar lehtë se edhe përkundër këtyre lëshimeve nuk do të shkaktoj pasojë të ndaluar, dhe me të arritur në vendin e përmendur, e për shkak të mospërshtatjes së shpejtësisë në rrugë të lagur dhe me kthesa, humb kontrollin mbi drejtimin e automjetit, me kohë nuk mund ta

ndal automjetin e lartpërmendur të tij, ku për pasojë kalon në anën e majtë të drejtimit të lëvizjes dhe përfundon jashtë rrugës, me ç'rast përveç dëmit material në vlerë të papërcaktuar dhe lëndimeve trupore të cilat i ka pësuar vetë, lëndime të rënda trupore në formë të plagëve ndrydhëse-çarëse në regjionin ballor të kokës, thyerjeve të kockës, urëzës në anën e majtë, me pasoja të përkohshme për shëndetin i shkakton bashkudhëtares-bashkëshortes së vet, tani të dëmtuarës Z.I. nga fsh. ..., kom. e ...

- me çka ka kryer veprën penale rrezikimi i trafikut publik nga neni 378. paragr.8 lidhur me paragr.6 dhe 1 të KPRK.

Andaj, gjykata duke u bazuar në dispozitat e nenit 4,41,42,49,50,51,52,73 dhe 74 KPRK si dhe neni 248 dhe 365 KPPK të pandehurit i shqipton

DËNIMIN ME KUSHT

I. Të pandehurit i shqiptohet dënimi me burg në kohëzgjatje prej 172 (njëqindeshtatëdhjetë) ditëve, me ç'rast dënimi nuk do të ekzekutohet nëse i pandehuri në afat prej 1(një) viti e 6 (gjastë) muaj nuk kryen tjetër vepër penale, me ç'rast dënimi me kusht do të revokohet.

II. E dëmtuara Z.I. nga fsh. ..., kom. ..., për realizimin e kërkesës pronësoro- juridike është udhëzuar në kontestin civil.

III. I akuzuari obligohet që në bazë të nenit 39.paragr.3 nënparagr.3.1 të Ligjit mbi Kompensimin e Viktimave të Krimin, në emër të taksës për kompensim, të paguaj shumën prej 30 €.

IV. I pandehuri obligohet që në emër të paushallit të paguaj shumën prej 25 € si dhe shpenzimet e procedurës penale sipas llogarisë përfundimtare të Gjykatës, në afat prej 15 ditësh.

A r s y e t i m

Prokuroria Themelore në Gjilan ka ngritë aktakuzën PP.nr. 250/2018 të dt. 23.02.2018 kundër të pandehurit Z.I. nga fsh. ..., kom. ..., për shkak të veprës penale rrezikimi i trafikut publik nga neni 378. paragr.8 lidhur me paragr.6 dhe 1 KPRK, duke i propozuar gjykatës që të pandehurin ta shpallë fajtor dhe ta dënoj sipas ligjit.

Prokurori i Prokurorisë Themelore në Gjilan Ismet Ukshini në seancën e caktuar lidhur me marrëveshjen për pranimin e fajësisë dhe sanksionit penal të mbajtur më dt. 23.02.2018, mbeti pranë marrëveshjes së arritur mbi pranimin e fajësisë të lidhur konform ligjit dhe dispozitave të nenit 233 KPPRK, me ç'rast i pandehuri është njoftuar për pasojat dhe natyrën e nënshkrimit të pranimit të

fajësisë dhe mbetet pranë qëndrimit se janë plotësuar të gjitha kushtet ligjore që gjykata në tërësi të aprovoj marrëveshjen e përmendur.

Mbrojtësi i të akuzuarit av. B.D. dhe i akuzuari Z.I. në tërësi janë pajtuar me propozimin e prokurorit të shtetit që propozimi të aprovohet, se gjatë arritjes së marrëveshjes i akuzuari ishte i vetëdijshëm për pranimin e fajësisë, është pajtuar me këtë dhe garanton se në të ardhmen nuk do të ndeshet me ligjin sepse sinqerisht e ka pranuar fajësinë. I akuzuari pendohet për veprën e kryer, deri sot nuk ka qenë i gjykuar, andaj, lutë gjykatën që të ketë parasysh këtë fakt, sepse edhe me këtë dënim ka për tu arritur qëllimi i ndëshkimit.

Marrëveshja për pranimin e fajësisë i përmban të gjitha faktet, propozimin për arritje të marrëveshjes për pranimin e fajësisë, njoftimi i të akuzuarit me të drejtat e tij dhe pasojat e pranimin të fajësisë, dhënia e deklaratës me shkrim, se i njëjti ka pranuar natyrën dhe pasojat e pranimin të fajësisë dhe se të gjitha këto i ka pranuar me vullnetin e tij të lirë.

Gjykata gjen se i akuzuari ka arritur marrëveshje për pranimin e fajësisë dhe të sanksionit penal konform nenit 233 KPPRK dhesë e njëjta marrëveshje është në harmoni me kushtet e parapara me nenin pikën 12 të këtij neni.

Gjykata vërtetoi se i akuzuari ka kryer veprën penale dhe konstatoi se nuk ekziston asnjë rrethanë për përjashtim e paraparë me nenin 248 KPPRK.

Gjykata aprovoi marrëveshjen për pranimin e fajësisë të lidhur në mes të PTH-Departamentit të Përgjithshëm nga njëra anë, të pandehurit dhe mbrojtësit të tij nga ana tjetër për kryerjen e veprës penale të cekur në aktakuzën PP.nr. 250/2018 të dt. 23.02.2018, pasi që për këtë janë plotësuar të gjitha kushtet ligjore.

Gjykatësja e vetme gjykuese vlerësoi se i pandehuri e ka kuptuar natyrën dhe pasojat e pranimin të fajësisë, se pranimi është bërë në mënyrë vullnetare nga ana e të pandehurit, pas konsultimit të mjaftueshëm me mbrojtësen e tij, se i pandehuri nuk ka qenë i detyruar në asnjë mënyrë të pranoj fajësinë. Pranimi i fajësisë ka mbështetje në faktet e cekura në aktakuzë dhe nuk ekziston asnjë rrethanë e paraparë me nenin 253.paragr.1 KPPRK.

Gjykata është e bindur se shqiptimi i dënimit me gjobë është në harmoni me peshën e kryerjes së veprës penale dhe se me këtë dënim do të arrihet qëllimi i dënimit nga neni 41. KPPRK.

Vendimi mbi shpenzimet e procedurës penale është bazuar në nenin 451 KPPRK ndërsa vendimi mbi kërkesën pronësoro juridike është marr në bazë të nenit 463 KPPRK.

Në bazë të cekurave të mësipërme është vendosur si në dispozitiv të këtij Aktgjykimi.

**GJYKATA THEMELORE NË GJILAN
DEPARTAMENTI I PËRGJITHSHËM
P.nr.207/2018 më dt. 29.05.2018**

*Sekretarja juridike,
Suzana Kovaçeviq*

*Gjyqtarja e vetme gjykuese,
Snezhana Mihajloviq*

UDHËZIMI JURIDIK: *Kundër këtij Aktgjykimi është e lejuar ankesa Gjykatës së Apelit në Prishtinë – Departamenti i Përgjithshëm, në afat prej 15 ditësh nga dita e pranimit të njëjtit. Ankesa në dy kopje dorëzohet përmes kësaj gjykate.*

Përktheu –
Naile Keçmezi